

LAER VOLKSKOOL



Posbus 84, Heidelberg, GP 1438
Voortrekkerstraat 15, Heidelberg, GP 1441
Tel.: (016) 341 6216/7
Faks.: (016) 341 2900
E-pos: volkies@laervolkskool.co.za
Webblad: www.laervolkskool.co.za

27-08-2018

Geagte Ouers en Leerder

OMSENDBRIEF 29 VIR 2018


1 VARKFEES:



HEIDELBERG VliegVeld - Die Varkfees is hier -
Vrydag, 31 Aug en Saterdag, 1 Sept 2018.

Elke Laer Volkskool leerder ontvang

'n gratis toegangkaartjie vir Vrydag, 31 Augustus 2018.



- MUSIEKPRET:

Ons musiekpret-aand is Woensdag, 29 Augustus om 19:00 in die skoolsaal.

- HUKDIENS:

Ouers wat diensbeurte het: Maak asb. seker dat u die briefie wat reeds Vrydag uitgedeel is, by u kind gekry het.

- "SKYDIVERS":

Alle lyste moet teen 28 Augustus terug wees! Leerders sal 30 Augustus hul merkers ontvang wat op Saterdag, 1 September geplaas moet word.

Leerders wat meeste merkers verkoop:

1ste prys = 2 Volwassenes- + 2 Kinderkaartjies + R500 kontant;

2de prys = 2 Volwassenes- + 2 Kinderkaartjies + R300 kontant;

3de prys = 2 Volwassenes- + 2 Kinderkaartjies.

Ouers ontvang 1ste prys = Tandem Valskermsprong vir 2 persone van R3500; 2de prys = Geskenkbewys van R2000; 3de prys = Geskenkbewys van R1500.

- **Die skool verdaag Vrydag, 31 Augustus 2018 om 12:00.** Daar sal toesig wees tot 13:15 vir leerders wat nie afgehaal kan word nie.

2 KOOR:

Kooroefening vir Junior- en Seniorcore is weer normaal vir die week.

3 FORMELE ASSESSERING:

- Leerders is skoolpligtig.
- Al die leerders is besig met formele assessering en moet elke dag teenwoordig wees. **As hul afwesig is, moet daar 'n doktersbrief ingehandig word.** Indien u kind tuisbly sonder 'n doktersbrief of ander geldige verskoning kan hy/sy 0% kry vir die aktiwiteit wat op daardie dag afgehandel is.
- ***Wanneer die toetsweek verby is, word daar steeds assessering in klasse afgehandel, toetse deurgegaan en punte gekontroleer.***
- ***Die skool sluit 28 September 2018.***
- Normale klaswisseling vind plaas by Gr 4-7.

4 SUIKERBOSRAND EISTEDDFOD DEEL 2:

Suikerbosrand Eisteddfod se tweede gedeelte vind plaas vanaf 10-12 September. Inskrywings het reeds gesluit.

Kuns: Sluitingsdatum vir inskrywings was reeds 15 Augustus 2018. Alle kunsstukke moet teen 30 Augustus by Juf. Lizelle of Juf. Madeleine ingehandig word.

5 HEIDELBERG EISTEDDFOD:

Die tweede gedeelte van Heidelberg Eisteddfod is Klassieke Vokaal en -Instrumentaal. Uitslae moes reeds by Juf. Lizelle (Gr. 1-3) en Juf. Madeleine (Gr. 4-7) ingehandig gewees het. Die kunsuitslae moes ook reeds Vrydag, 24 Augustus by Juf. Lizelle (Gr. 1-3) en Juf. Madeleine (Gr. 4-7) ingehandig gewees het.

6 MUSIEKFEES:

Ons beplan hierdie jaar 'n Musiekfees op 17 & 18 Oktober. Dit gaan 'n besondere geleentheid wees waaraan al die Volkies kan deelneem en saamwerk om dit iets regtig spesiaal te maak. Daar is geen kostes aan verbonde nie, so kom ons kyk of ons dit 'n ware skoolpoging kan maak!

7 SPREEKKOOR:

Ons oefen elke Maandag vanaf 13:00 - 13:30 in Juf. Monica se klas. Almal moet asb. daar wees.

8 LANDLOOP 2018:

Saterdag, 1 September 2018 is ons Gauteng Kampioenskappe. Baie sterkte aan Mia Boshoff, Tiané Steyn en Wiepke Schoeman wat gaan deelneem.

9 MINI-KRIEKET:

Almal oefen op Maandag en Woensdag vanaf 14:00 - 15:00. Ons herinner ouers net dat u asb. vir elke speler 'n wit broek moet aanskaf, bv. 'n wit rugbybroek voor 15 September (KFC dag).

Op 8 September 2018 speel ons by Laerskool Voorwaarts.

10 KRIEKET:

Krieketoefening: Maandag en Dinsdag oefen 0/9 tot 0/11 vanaf 14:00 - 15:00 by die nette. Maandag oefen 2de en 1ste span vanaf 15:00 - 16:00 by die nette en Donderdag oefen hulle van 14:00 - 15:00.

11 MINI-HOKKIE:

Alle spanne oefen op ons rugbyveld op Dinsdag en Donderdag.

12 BILTONG EN DROËWORS:

Daar is nog enkele 500g pakkies Blouwildebees biltong en -droëwors te koop by Mnr Tiaan @ R50.

13 GRAAD R KLAS:

Aansoek vir toelating tot ons Gr R klasse vir 2019 het Maandag, 30 Julie geopen tot 21 September 2018. Die nodige vorms kan by Mev Chrissie Maré (ontvangs) afgehaal word. Drie Gr R klasse word beplan vir 2019. U aansoek verseker nie dat u kind outomaties plek in die Gr R klasse vir 2019 het nie.

Ouderdom van leerders: Leerders wat in 2013 gebore is (en 6 jaar oud word in 2019) asook leerders wat tot en met 30 Junie 2014 gebore is (en 5 jaar oud word voor 30 Junie 2019), kan inskryf.

Graad R Opedag is op 21 September 2018. Alle aansoeke sal oorweeg word en ouers sal in kennis gestel word of hul aansoeke suksesvol was.

Vir enige navrae, kontak gerus vir Juf. Alta de Klerk by die skool.

14 BLIKKIESKOS PROJEK:

Baie dankie vir u elkeen se ondersteuning met ons blikkieskos-projek. Kom ons wend 'n laaste groot poging aan want die projek sluit op Donderdag, 30 Augustus 2018.

15 KULTUURAAND 2019:

Die Kultuuraand 2019 vind plaas op Vrydag, 15 Februarie 2019. Daar sal na die Varkfees vir die Gr. 6 leerders inligtingsbriefies uitgedeel word, rakende dié funksie.

16 SNOEPIE:

Ons versoek graag dat **ALLE GRONDSLAFASE LEERDERS** voortaan eerder op **Woensdae** snoepiedag sal hou. Pizzas kan steeds op Vrydae gekoop word.

17 SKAAK:

Ons is baie trots op elke speler wat die afgelope naweek deelgeneem het aan die Gauteng Skaak kampioenskappe. Baie dankie aan elke Volkie vir julle mooi gedrag en maniere. Julle het voorwaar uitgestaan! Baie geluk aan die O/11 span wat 'n 4de plek behaal het in hulle afdeling.

18 PUBLIC SPEAKING:

Volkies gaan hierdie jaar wegspring met ons eerste Public Speaking-aand vir Graad 1-7 leerders op 24 Oktober 2018. Inskrywings sluit op 29 September en geen laat inskrywings sal aanvaar word nie. Inskrywingsvorme kan vir Gr. 1-3 by Juf. Lizelle afgehaal word en Gr. 4-7 by Juf. Madeleine.

Volkiegroete

J.J. JORDAAN
ADJUNKHOOF